

## Mimi-Maus, 4j.



### suechet äs Daheime i Wohnigshautig (mit Gschpänli)

Liebi Tierfründe

Hoi, ig bi d'Mimi-Maus. Ig luege da ganz truurig, gäu? Ja, truurig, das bin ig ou. Ig bi uf dr Suechi nach eme ganz spezielle Daheime. Warum? Min Chatrfründ isch vor einiger Ziit verschorbe, er war hätzkrank. Itze bin ig ganz allei u einsam, s'wird immr schlimmr. Mis Froueli cha us private Gründ cheis zwöits Büsi meh ufnäh und wott doch, dass ig wieder glücklech wärd. Itze suechet sy es Daheime «mit Gschpänli» für mi. Drum!

Ig bi 4jährig, kaschtriert, gimpft, gsung, schtuberein u sähr verschpiut. Es Troumbüsi, meinsch? YES, abr mit Iischränkig: ig ha i mineri Prägigsphase ufm Hof nüt dörfe chennelehre, drum sy mir Mönsche u aues Ubechannts suschpekt u machet mir Angscht. Ig bruuche sähr viu Ziit, bis ig uftoue. Ig mag Ruhe u Routine u es liebs Chatzegschpänli, das wo mir zeige tuet, dass das Läbe wieder Fröid macht. Ich mag dagäge nid: Lärm, Türchlinge, Schtoubuugr, Häktik, Händ vo obe, ummetrage Wärde u Langewiile.

Drum suech ig es ruhigs, entschannts Daheime, ohni Ching u Hung. Abr mit eme soziaue Chatzegschpänli i mim Austr. Bi liebi geduudigi Lüüt, die nid ufgah, wenn ig nid gli nach drü Täg fürechoh u mi lah schtriichele. U ou no nid nach drü Wuche! Bi mir duuret's eifach, aber denn! Ig wott nur e grossi Wohnig mit guet gsicheretem Baukon odr Garte. U wieder e Chatzefründ odr e Chatzefründin. Bisch Du viu daheime? Arbeitsch Du Teilziit odr vo diheime us odr bisch Du Homeofficler? Wohnt bi Dir scho e liebi Chatz, di wo ou e Fründin suecht? U hesch Du en schöne Baukon mit Uussicht? MIN, äh ÜSE Baukon? U wottscht Du mi uf Läbensziit verwöhne u hesch Du Chatzeerfahrig u Geduud mit mir u tätsch Du mi i mim Tempo lah achoh? Ja? Denn müesset mir üs unbedingt lehre chenne. Ig wohne derziit noch z'Zürich/ZH, zügler abr gärn zu Dir, wo ou immr Du wohnsch. Mäud di doch bitte ganz gly bi dr Sonja Ball. Sie het sich mir agno u suechet für mi das Plätzli. Bi so gschpannt uf Di u Din vierbeinige Mitbewohnr (mi nöie Fründ)!

**Dini Mimi-Maus**



**Katze sucht Mensch - Mensch sucht Katze**

Sonja Ball

Tel.Nr. 079 333 45 62 (Mo-Fr 18-20h)

[kontakt@katze-sucht-mensch.ch](mailto:kontakt@katze-sucht-mensch.ch)